



**საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო
დაწესებულება გარემოსდაცვითი ზედამხედველობის დეპარტამენტი**

საქართველოს გარემოსა და ბუნებრივი რესურსების დაცვის სამინისტროს - სახელმწიფო საქვეუწყებო
დაწესებულება გარემოსდაცვითი ზედამხედველობის დეპარტამენტის ბალანსზე რიცხული ქ. ბათუმში
პუშკინის ქუჩა №45-ში მდებარე მიწის ნაკვეთზე (საკადასტრო კოდი 05.27.16.028) გარემოსდაცვითი
ზედამხედველობის დეპარტამენტის ახალი ადმინისტრაციული შენობის მშენებლობის და მასზე დამაგრებული
მიწის ნაკვეთის კეთილმოწყობის სამუშაოების (CPV – 45200000;45210000) გამარტივებული ელექტრონული
ტენდერის საშუალებით სახელმწიფო შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს
კანონის, „გამარტივებული ელექტრონული ტენდერისა და ელექტრონული ტენდერის ჩატარების წესის
დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9
ბრძანების და საქართველოს მთავრობის 2016 წლის 23 ივნისის №1213 განკარგულების საფუძველზე.

ქ. თბილისი

2016 წელი

სარჩევი

1. ინსტრუქცია ტენდერში მონაწილეთათვის
2. ტექნიკური დოკუმენტაცია
3. სახელმწიფო შესყიდვების შესახებ ხელშეკრულების პროექტი
- 4 დანართი №1 რეკვიზიტები
5. დანართი №2 ხელშეკრულების შესრულების საგარანტიო უზრუნველყოფის ფორმა
6. დანართი №3 ტექნიკური დავალება
7. დანართი №4 ინფორმაცია ანალოგიური მომსახურების გაწევის შესახებ
8. დანართი №5 შესასრულებელი სამუშაოს ჩამონათვალი (ხარჯთაღრიცხვა)
9. დანართი №6 სამშენებლო სამუშაოების წარმოების პროექტი
10. დანართი №7 ინფორმაცია განხორციელებული სამშენებლო სამუშაოებისა და სამუშაოებში გამოყენებული მასალების საგარანტიო პირობებისა და ვადების შესახებ

1. ინსტრუქცია ტენდერში მონაწილეთათვის

1.1 იხ. „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“ და სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანება „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს ოფიციალურ ვებ გვერდზე www.procurement.gov.ge

2. ტექნიკური დოკუმენტაცია

2.1 პრეტენდენტის მიერ სისტემაში ასატვირთი ინფორმაცია და მონაცემები:

2.1.1 რეკვიზიტები დანართი №1-ის მიხედვით;

2.1.2 ხელშეკრულების შესრულების საგარანტიო უზრუნველყოფის ფორმა დანართი №2 -ის მიხედვით;

2.1.3 ტექნიკური დავალება დანართი №3-ის მიხედვით;

2.1.4 ინფორმაცია გამოცდილების შესახებ: შესყიდვაში მონაწილეობის მსურველ პირს 2013 წლის 01 იანვრიდან სატენდერო დოკუმენტაციის სისტემაში განთავსების დღემდე უნდა ჰქონდეს შესრულებული არანაკლებ 2 000 000 (ორი მილიონი) ლარის ოდენობის სამშენებლო ან/და სარემონტო/სარეაბილიტაციო სამუშაოები (CPV45100000; 45200000; 45300000; 45400000). აღნიშნული ინფორმაციის წარმოდგენა უნდა განხორციელდეს დანართი №4-ის მიხედვით;

2.1.5 შესასრულებელ სამუშაოთა მოცულობათა უწყისი, ხარჯთაღრიცხვა (ფასების ცხრილი) დანართი №5-ის მიხედვით;

2.1.6 სამშენებლო სამუშაოების წარმოების პროექტი დანართი №6-ის მიხედვით (აღნიშნულის წარმოდგენა პრეტენდენტის მიერ შესაძლებელია სისტემაში განთავსებული პროექტის ხელმოწერითა და ბეჭდით დამოწმების გზით, ასევე ცნობის სახით, რომელშიც პრეტენდენტი გარკვევით დააფიქსირებს რომ იგი სრულადაა გაცნობილი სამუშაოების განსახორციელებლად საჭირო საპროექტო დოკუმენტაციას და აცხადებს მზაობას იმოქმედოს პროექტის შესაბამისად);

2.1.7 ინფორმაცია შესრულებულ სამუშაოზე და გამოყენებულ მასალა-აგრეგატებზე საგარანტიო პირობებისა და ვადების შესახებ დანართი №7- შესაბამისად;

2.1.8 პრეტენდენტმა უნდა წარმოადგინოს არანაკლებ 1 (ერთი) სარეკომენდაციო წერილი გაცემული სახელმწიფო შესყიდვების ერთიან ელექტრონულ სისტემაში შემსყიდველის სტატუსით ფიქსირებული შემსყიდველი ორგანიზაცი(ებ)ისაგან მიმწოდებლის მიერ 2013 წლის 01 იანვრიდან ტექნიკური დოკუმენტაციის სისტემაში ატვირთვის დღემდე სამშენებლო ან/და სარემონტო/სარეაბილიტაციო სამუშაოების შესრულების თაობაზე, რომლის ღირებულებაც ჯამში არ უნდა იყოს 500 000 (ხუთასი ათასი) ლარზე ნაკლები;

2.1.9 სამუშაოების შესრულების გეგმა-გრაფიკი;

2.2 ანგარიშსწორების პირობები:

2.2.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული ყველა გადასახადის გათვალისწინებით;

2.2.2 ანგარიშსწორება მოხდება უნაღდო ანგარიშსწორების წესით ეროვნულ ვალუტაში, ლარში მიმწოდებლის მიერ შესაბამისი დოკუმენტაციის წარმოდგენიდან 20 (ოცი) სამუშაო დღის ვადაში;

2.2.3 ანგარიშსწორება შეიძლება განხორციელდეს წინასწარი, საავანსო ანგარიშსწორების ფორმით არაუმეტეს ხელშეკრულების ღირებულების 30%-ის ოდენობით თანხაზე, პრეტენდენტის მიერ მოთხოვნილ თანხაზე ბანკის მიერ გაცემული უპირობო საავანსო ანგარიშსწორების საბანკო გარანტიის საფუძველზე (აუცილებელი პირობა: 1. პრეტენდენტმა უნდა წარმოადგინოს ბანკის მიერ გაცემული უპირობო საავანსო ანგარიშსწორების საბანკო გარანტია მის მიერ მოთხოვნილ თანხაზე, რომლის თანახმადაც გარანტიის გამცემი ბანკი თანახმაა შემსყიდველის მოთხოვნიდან 10 (ათი) საბანკო დღის ვადაში აანაზღაუროს შემსყიდველის მიერ მოთხოვნილი თანხა; 2. საბანკო გარანტიის საფუძველზე გადარიცხული თანხის გაქვითვა მოხდება ერთიანად, სრულად და არა პროპორციული და ნაწილობრივი გამოქვითვის მეთოდით.) რომლის მოქმედების ვადაც 30 კალენდარული დღით უნდა აღემატებოდეს ხელშეკრულების მოქმედების ვადას;

2.2.4 შუალედური ან/და საბოლოო ანგარიშსწორება მიმწოდებელთან განხორციელდება ფაქტობრივად შესრულებულ სამუშაოებზე გაფორმებული მიღება-ჩაბარების აქტისა და შესაბამისი ფინანსური დოკუმენტაციის საფუძველზე.

2.3 შესყიდვის ობიექტის ტექნიკური პარამეტრები: შესყიდვის ობიექტის ტექნიკური დავალება მოცემულია დანართი №3- ის, შესასრულებელ სამუშაოთა მოცულობათა უწყისი დანართი №5-ისა და სამშენებლო სამუშაოების წარმოების პროექტის დანართი №6-ის სახით.

2.4 სამუშაოების განხორციელების ადგილი, ვადები და პირობები:

2.4.1 სამუშაოს განხორციელების ადგილია ქ. ბათუმი პუშკინის ქუჩა №145 (საკადასტრო კოდი 05.27.16.028);

2.4.2 გამარჯვებული პრეტენდენტი ვალდებულია სამშენებლო სამუშაოები დაიწყოს სახელმწიფო შესყიდვის შესახებ ხელშეკრულების გაფორმებიდან 5 (ხუთი) კალენდარული დღის ვადაში და დაასრულოს ხელშეკრულების გაფორმებიდან არაუგვიანეს 275 (ორასამოცდათხუთმეტი) კალენდარული დღის ვადაში.

2.4.3 გამარჯვებული პრეტენდენტი ვალდებულია სრულად უზრუნველყოს სატენდერო დოკუმენტაციით, საპროექტო დოკუმენტაციითა და მოქმედი კანონმდებლობით გათვალისწინებული უსაფრთხოების ნორმებისა და სტანდარტების დაცვა.

2.4.4 ხელშეკრულებით გათვალისწინებული სამუშაოების განხორციელებისას გამოყენებული მასალების ტექნიკური მახასიათებლები როგორცაა ფერი, ფაქტურა, ზომები და ფორმები გამოყენებამდე შეთანხმებული უნდა იყოს შემსყიდველიდან.

2.4.5 სამუშაოების შესრულების პროცესში ყველა გამოყენებული მასალა და მოწყობილობა უნდა იყოს მაღალი ხარისხის და შეესაბამებოდეს ამ სფეროში აღიარებულ სტანდარტებს. ამასთანავე შემსყიდველის მოთხოვნის და ასეთის არსებობის შემთხვევაში მიმწოდებელი ვალდებულია ხელშეკრულების მიმდინარეობის ნებისმიერ ეტაპზე წარმოადგინოს შესაბამისი ხარისხის დამადასტურებელი დოკუმენტაცია (სერტიფიკატები).

2.4.6 მიმწოდებელმა 2016 წლის განმავლობაში უნდა უზრუნველყოს ხელშეკრულების ღირებულების არანაკლებ 50% ოდენობითი თანხის შესაბამისი სამუშაოების შესრულება, ხოლო დარჩენილი სამუშაოს დასრულების ვადა ხელშეკრულების გაფორმებიდან არაუგვიანეს 275 (ორასამოცდათხუთმეტი) კალენდარული დღის ვადაში.

2.5 შესრულებული სამუშაოების მიღება-ჩაბარების წესი:

2.5.1 შუალედური/საბოლოო მიღება-ჩაბარების აქტის გაფორმების საფუძველს წარმოადგენს შემდეგი დოკუმენტაცია: 1. სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან შესაბამისი აკრედიტაციის მქონე ორგანოს (ასეთის შემთხვევაში მიმწოდებელი ვალდებულია წარმოადგინოს ორგანოს აკრედიტაციის მოწმობა) მიერ შესრულებულ სამუშაოთა მოცულობისა და ღირებულების დადგენის მიზნით გაცემული დასკვნა (აუცილებელი პირობა: სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტირებული ორგანოში დასკვნის მომზადების ხარჯებს ანაზღაურებს მიმწოდებელი); 2. ფორმა #2 რომელიც დადასტურებული იქნება სამუშაოთა შემსრულებლისა და შემსყიდველის მიერ განსაზღვრული ტექნიკური ზედამხედველის ხელმოწერით; 3. ფარული სამუშაოების შესრულების აქტ(ებ)ი (ასეთის არსებობის შემთხვევაში) დადასტურებული შემსყიდველის წარმომადგენლის - ტექნიკური ზედამხედველის და სამუშაოთა შემსრულებლის წარმომადგენლის ხელმოწერით; 4. საავტორო ზედამხედველობის განმახორციელებელი პირის/ორგანოს დადებითი დასკვნა; 5. ტექნიკური ზედამხედველობის განმახორციელებელი პირის/ორგანოს დადებითი დასკვნა; 6. შემსყიდველის მიერ განსაზღვრული ინსპექტირების ჯგუფის დასკვნა; 7. საქართველოში მოქმედი სამშენებლო ნორმებისა და წესების სრული დაცვით შეადგენილი ყველა ის დოკუმენტაცია, რომელიც საჭიროა ექსპერტიზის სრულყოფილად ჩასატარებლად. ამავდროულად ესპერტიზაზე წარდგენილი დოკუმენტაცია უნდა დასტურდებოდეს როგორც საავტორო, ასევე ტექნიკური ზედამხედველის მიერ.

2.5.2 მიმწოდებელი ვალდებულია სსიპ ლევან სამხარაულის სახელობის სასამართლო ექსპერტიზის ეროვნული ბიუროში ან სხვა აკრედიტირებულ ორგანოში წინამდებარე მუხლის 2.5.1 პუნქტით გათვალისწინებული დოკუმენტაციის წარდგენის შესახებ ინფორმაცია მიაწოდოს შემსყიდველს წარდგენიდან არაუგვიანეს 2 სამუშაო დღისა, აღნიშნული უნდა დასტურდებოდეს შესაბამისი რეგისტრაციის ან/და სხვა დოკუმენტით.

2.5.3 სამუშაოთა მიღება-ჩაბარება განხორციელდება მისი დამთავრების შემდეგ, წინამდებარე მუხლის 2.5.1 პუნქტით გათვალისწინებული დოკუმენტაციის, ტექნიკური პირობებისა, მოქმედი სამშენებლო ნორმებითა და წესებით განსაზღვრული აქტების საფუძველზე.

2.5.4 შემსყიდველის მხრიდან მიღება-ჩაბარების აქტზე ხელმოწერის უფლებამოსილი პირი განსაზღვრული იქნება ხელშეკრულების ხელმოწერის მომენტისათვის.

2.5.5 შემსყიდველის მხრიდან ხელშეკრულების შესრულების უზრუნველყოფის მიზნით შექმნილი ინსპექტირების ჯგუფის შემადგენლობა და უფლებამოსილებები განსაზღვრული იქნება ხელშეკრულების ხელმოწერის მომენტისათვის.

2.6 ხელშეკრულების უზრუნველყოფის საბანკო გარანტია:

2.6.1 ტენდერში გამოყენებული იქნება ბანკის მიერ გაცემული ხელშეკრულების შესრულების უზრუნველყოფის საბანკო გარანტია, ხელშეკრულების მთლიანი ღირებულების 4 (ოთხი) პროცენტის ოდენობით, დანართი №2-ის მიხედვით (თეთრ სიაში დარეგისტრირებული პრეტენდენტის შემთხვევაში აღნიშნული ოდენობა ნახევრდება);

2.6.2 იმ შემთხვევაში თუ ტენდერში ელექტრონული ვაჭრობის შედეგად გამარჯვებული პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, პრეტენდენტი ვალდებულია წარმოადგინოს ხელშეკრულების შესრულების გარანტია 8 (რვა) პროცენტის ოდენობით. (თეთრ სიაში დარეგისტრირებული პრეტენდენტის შემთხვევაში აღნიშნული ოდენობა ნახევრდება);

2.6.3 ხელშეკრულების შესრულების უზრუნველყოფის საბანკო გარანტიის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას და მასში მითითებული უნდა იყოს პრეტენდენტის საიდენტიფიკაციო კოდი.

2.7 დაფინანსების წყარო – 2016 და 2017 წლის სახელმწიფო ბიუჯეტის სახსრები.

2.8 შესყიდვის სავარაუდო ღირებულება:

2.8.1 შესყიდვის სავარაუდო ღირებულებაა 1 128 290 (ერთი მილიონი ასოცდარვაათას ორასოთხმოცდაათი) ლარი დღგ-ს ჩათვლით.

2.9 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი. სხვადასხვა ვალუტაში გამოსახული სატენდერო წინადადებები არ განიხილება.

2.10 ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

2.11 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

2.12 სახელმწიფო შესყიდვების ერთიან ელექტრონულ სისტემაში (შემდგომში-სისტემა) განთავსებული ყველა დოკუმენტი ან/და ინფორმაცია ხელმოწერილი ან/და ბეჭედასმული (ბეჭდის არსებობის შემთხვევაში) უნდა იყოს უფლებამოსილი პირის მიერ(საჭიროების შემთხვევაში განთავსებულ უნდა იქნას მინდობილობა ან რწმუნებულება).

2.13 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2.14 პრეტენდენტს არა აქვს უფლება წარმოადგინოს ალტერნატიული წინადადება.

2.15 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში განთავსებული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ა.

2.16 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით, ასევე შეუძლია სატენდერო კომისიის აპარატში, მისამართზე: ქ. თბილისი, გ.გულუას ქ. №6, გარემოსდაცვითი ზედამხედველობის დეპარტამენტის, ადმინისტრაციის, შესყიდვების განყოფილება მე-6 სართული. ტელეფონი: 272-72-75; 595000444; 591101191. საკონტაქტო პირი: მიხეილ ბედოიძე, რობერტი აბურჯანიძე.

შენიშვნა:

1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის და ხარჯის გათვალისწინებით.

2. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველის მოთხოვნიდან 5 (ხუთი) სამუშაო დღის ვადაში, პრეტენდენტი ვალდებულია უზრუნველყოს ფასწარმოქმნის ადეკვატურობის დასაბუთება (დასაბუთება უნდა განხორციელდეს შესაბამისი აკრედიტაციის მქონე ორგანოს მიერ გაცემული ექსპერტიზის დასკვნით). იმ შემთხვევაში, თუ პრეტენდენტის მიერ არ იქნა წარმოდგენილი ან წარმოდგენილი დასაბუთება შემსყიდველის მიერ არ ჩაითვლება დამაკმაყოფილებლად, მოხდება პრეტენდერის დიკვალიფიკაცია:

3. ხელშეკრულება სახელმწიფო შესყიდვის შესახებ (პროექტი)

ქ. თბილისი

„ „ „ 2016 წელი

ერთის მხრივ, საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტი (შემდგომში „შემსყიდველი“) წარმოდგენილი მისი უფროსის „ „ სახით და მეორეს მხრივ „ „ (შემდგომში „მიმწოდებელი“) წარმოდგენილი მისი „ „, სახელმწიფო შესყიდვების კანონის და მიმწოდებლის სატენდერო წინადადების საფუძველზე SPA_ გამარტივებული ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. „სამუშაო“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – SPA_ გამარტივებული ელექტრონული ტენდერის სატენდერო დოკუმენტაციის ტექნიკური დავალება, რომელიც არის ხელშეკრულების, განუყოფელი ნაწილი.

2. ხელშეკრულების საგანი

2.1 მიმწოდებელი იღებს ვალდებულებას მაღალ დონეზე და სრულფასოვნად, განახორციელოს საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტის ბალანსზე რიცხული ქ. ბათუმში პუშკინის ქუჩა №45-ში მდებარე მიწის ნაკვეთზე (საკადასტრო კოდი 05.27.16.028) გარემოსდაცვითი ზედამხედველობის დეპარტამენტის ახალი ადმინისტრაციული შენობის მშენებლობის და მასზე დამაგრებული მიწის ნაკვეთის კეთილმოწყობის სამუშაოები (CPV45200000;45210000); მიმწოდებლის მიერ სახელმწიფო შესყიდვების ერთიან ელექტრონულ სისტემაში განთავსებული სატენდერო წინადადების (ტექნიკური დავალების (დანართი №3-ის), სამშენებლო სამუშაოების წარმოების პროექტის (დანართი №6-ის) და შესასრულებელ სამუშაოთა მოცულობათა უწყისის (დანართი №5-ის) შესაბამისად, რომელიც თან ერთვის ხელშეკრულებას და წარმოადგენს ხელშეკრულების განუყოფელ ნაწილს (შემდგომში სამუშაო) და ამ ხელშეკრულების პირობების შესაბამისად.

3. ხელშეკრულების ღირებულება

- 3.1 მთლიანი სახელშეკრულებო ღირებულება საქართველოს კანონმდებლობით დადგენილი ყველა გადასახადისა და ხარჯის გათვალისწინებით შეადგენს ----- ლარს.
- 3.2 ერთეული სამუშაოების ღირებულება განსაზღვრულია შესასრულებელ სამუშაოთა მოცულობათა უწყისში (ხარჯთაღრიცხვა), დანართი №5-ში.

4. სამუშაოთა მიღება-ჩაბარება

- 4.1 შუალედური/საბოლოო მიღება-ჩაბარების აქტის გაფორმების საფუძველს წარმოადგენს შემდეგი დოკუმენტაცია: 1. სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან შესაბამისი აკრედიტაციის მქონე ორგანოს (ასეთის შემთხვევაში მიმწოდებელი ვალდებულია წარმოადგინოს ორგანოს აკრედიტაციის მოწმობა) მიერ შესრულებულ სამუშაოთა მოცულობისა და ღირებულების დადგენის მიზნით გაცემული დასკვნა (აუცილებელი პირობა: სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტირებული ორგანოში დასკვნის მომზადების ხარჯებს ანაზღაურებს მიმწოდებელი); 2. ფორმა #2 რომელიც დადასტურებული იქნება სამუშაოთა შემსრულებლისა და შემსყიდველის მიერ განსაზღვრული ტექნიკური ზედამხედველის ხელმოწერით; 3. ფარული სამუშაოების შესრულების აქტ(ებ)ი (ასეთის არსებობის შემთხვევაში) დადასტურებული შემსყიდველის წარმომადგენლის - ტექნიკური ზედამხედველის და სამუშაოთა შემსრულებლის წარმომადგენლის ხელმოწერით; 4. საავტორო ზედამხედველობის განმახორციელებელი პირის/ორგანოს დადებითი დასკვნა; 5. ტექნიკური ზედამხედველობის განმახორციელებელი პირის/ორგანოს დადებითი დასკვნა; 6. შემსყიდველის მიერ განსაზღვრული ინსპექტირების ჯგუფის დასკვნა; 7. საქართველოში მოქმედი სამშენებლო ნორმებისა და წესების სრული დაცვით შეადგენილი ყველა ის დოკუმენტაცია, რომელიც საჭიროა ექსპერტიზის სრულყოფილად ჩასატარებლად. ამავდროულად ესპერტიზაზე წარდგენილი დოკუმენტაცია უნდა დასტურდებოდეს როგორც საავტორო, ასევე ტექნიკური ზედამხედველის მიერ.
- 4.2 მიმწოდებელი ვალდებულია სსიპ ლევან სამხარაულის სახელობის სასამართლო ექსპერტიზის ეროვნული ბიუროში ან სხვა აკრედიტირებულ ორგანოში წინამდებარე მუხლის 4.1 პუნქტით გათვალისწინებული დოკუმენტაციის წარდგენის შესახებ ინფორმაცია მიაწოდოს შემსყიდველს წარდგენიდან არაუგვიანეს 2 სამუშაო დღისა, აღნიშნული უნდა დასტურდებოდეს შესაბამისი რეგისტრაციის ან/და სხვა დოკუმენტით.

- 4.3 სამუშაოთა მიღება-ჩაბარება განხორციელდება მისი დამთავრების შემდეგ, წინამდებარე მუხლის 4.1 პუნქტით გათვალისწინებული დოკუმენტაციის, ტექნიკური პირობებისა, მოქმედი სამშენებლო ნორმებითა და წესებით განსაზღვრული აქტების საფუძველზე.
- 4.4 შემსყიდველის მხრიდან მიღება-ჩაბარების აქტზე ხელმოწერი უფლებამოსილი პირი განსაზღვრული იქნება ხელშეკრულების ხელმოწერის მომენტისათვის.
- 4.5 შემსყიდველი მიღება-ჩაბარების აქტის მიღებიდან 20 (ოცი) სამუშაო დღის განმავლობაში განიხილავს აქტში დაფიქსირებული სამუშაოების შესაბამისობას ხელშეკრულებით დადგენილთან, ხოლო შესაბამისობის შემთხვევაში იღებს სამუშაოს.
- 4.6 სამუშაოების მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 4.7 შემსყიდველი ვალდებულია ოპერატიულად, წერილობითი სახით, (დასაშვებია ელ.ფოსტის საშუალებითაც შემდეგ მისამართზე -----) აცნობოს მიმწოდებელს საბოლოო შემოწმების შედეგები დაწუნებული სამუშაოს რაოდენობის და წუნდების მიზეზის მითითებით, ხოლო მიმწოდებელი ვალდებულია ასეთი შეტყობინების მიღებიდან არაუმეტეს 24 საათში აღმოფხვრას საკუთარი ძალებითა და სახსრებით დეფექტი.
- 4.8 შემსყიდველის მხრიდან ხელშეკრულების შესრულების უზრუნველყოფის მიზნით შექმნილი ინსპექტირების ჯგუფის შემადგენლობა და უფლებამოსილებები განსაზღვრული იქნება ხელშეკრულების ხელმოწერის მომენტისათვის.

5. სამუშაოს განხორციელების ადგილი, პირობები და ვადები

- 5.1 სამუშაოს განხორციელების ადგილია ქ. ბათუმი პუშკინის ქუჩა №45 (საკადასტრო კოდი 05.27.16.028);
- 5.2 გამარჯვებული პრეტენდენტი ვალდებულია სამშენებლო სამუშაოები დაიწყოს სახელმწიფო შესყიდვის შესახებ ხელშეკრულების გაფორმებიდან 5 (ხუთი) კალენდარული დღის ვადაში და დაასრულოს ხელშეკრულების გაფორმებიდან არაუგვიანეს 275 (ორასამოცდათხუთმეტი) კალენდარული დღის ვადაში.
- 5.3 გამარჯვებული პრეტენდენტი ვალდებულია სრულად უზრუნველყოს სატენდერო დოკუმენტაციით, საპროექტო დოკუმენტაციითა და მოქმედი კანონმდებლობით გათვალისწინებული უსაფრთხოების ნორმებისა და სტანდარტების დაცვა.
- 5.4 ხელშეკრულებით გათვალისწინებული სამუშაოების განხორციელებისას გამოყენებული მასალების ტექნიკური მახასიათებლები როგორცაა ფერი, ფაქტურა, ზომები და ფორმები გამოყენებამდე შეთანხმებული უნდა იყოს შემსყიდველთან.
- 5.5 სამუშაოების შესრულების პროცესში ყველა გამოყენებული მასალა და მოწყობილობა უნდა იყოს მაღალი ხარისხის და შეესაბამებოდეს ამ სფეროში აღიარებულ სტანდარტებს. ამასთანავე შემსყიდველის მოთხოვნის და ასეთის არსებობის შემთხვევაში მიმწოდებელი ვალდებულია ხელშეკრულების მიმდინარეობის ნებისმიერ ეტაპზე წარმოადგინოს შესაბამისი ხარისხის დამადასტურებელი დოკუმენტაცია (სერტიფიკატები).

6. მხარეთა უფლება-მოვალეობანი

- 6.1 შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.
- 6.2 შემსყიდველი ვალდებულია:
- 6.2.1 დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 6.2.2 ხელშეკრულებით გათვალისწინებული სამუშაოების შესრულებისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ;
- 6.2.3 ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესრულებული სამუშაოების ღირებულება;
- 6.2.4 შემსყიდველი ვალდებულია ოპერატიულად, სიტყვიერი ან/და წერილობითი სახით, აცნობოს მიმწოდებელს შემოწმების შედეგები დაწუნებული სამუშაოს მოცულობისა და წუნდების მიზეზის მითითებით. სამუშაოების შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 6.3. შემსყიდველს უფლება აქვს:
- 6.3.1. ხელშეკრულების მიმდინარეობის ნებისმიერ ეტაპზე განახორციელოს ინსპექტირება და ზედამხედველობა მიმწოდებლის მიერ ხელშეკრულების პირობების დაცვაზე;
- 6.3.2. განახორციელოს მიმდინარე/შესრულებული სამუშაოების ტექნიკური ზედამხედველობა და შეამოწმოს მათი შესაბამისობა საქართველოში მოქმედი სამშენებლო ნორმებისა და წესებში გათვალისწინებული ხარისხის კრიტერიუმების, ტექნიკური სპეციფიკაციების, მოქმედი სტანდარტების, სატენდერო დოკუმენტაციისა და მიმწოდებლის მიერ წარმოდგენილი სატენდერო წინადადების გათვალისწინებით;
- 6.3.3. ხელი მოაწეროს შესრულებული სამუშაოების მიღება-ჩაბარების აქტებს და მასთან დაკავშირებულ სხვა დოკუმენტაციას;
- 6.3.4. მიმწოდებლისაგან მოითხოვოს სამუშაოების წარმოებასთან დაკავშირებული დამატებითი ინფორმაცია და დოკუმენტაცია.
- 6.4. მიმწოდებელი ვალდებულია:
- 6.4.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 6.4.2. სამშენებლო/სადემონტაჟო ნორმებისა და წესების სრული დაცვით უზრუნველყოს სამუშაოების მაღალი ხარისხით შესრულება და მათი დამთავრება ხელშეკრულების 5.2 პუნქტით განსაზღვრულ ვადებში;
- 6.4.3. ფარული სამუშაოები (ასეთის არსებობის შემთხვევაში) აწარმოოს შემსყიდველის მიერ შესაბამისად უფლებამოსილი პირის უშუალო ზედამხედველობის ქვეშ. მიმწოდებელი ვალდებულია წინასწარ 2 (ორი) სამუშაო დღით ადრე როგორც წერილობით, ასევე სიტყვიერად აცნობოს შემსყიდველს აღნიშნული სამუშაოების შესრულების თარიღის შესახებ;

6.4.4. სამუშაოების შესრულების პროცესში შემსყიდველის შეტყობინების მიღებისთანავე აღმოფხვრას უხარისხოდ შესრულებული სამუშაო შემსყიდველის მხრიდან რაიმე დამატებითი დანახარჯების გაწევის გარეშე;

6.4.5. სამუშაოების შესასრულებლად აუცილებელი მასალები, აღჭურვილობა და მექანიზმების მოწოდება უზრუნველყოფილი უნდა იქნას მიმწოდებლის მიერ. მიმწოდებელი პასუხისმგებელია აღნიშნული მასალების, აღჭურვილობის და მექანიზმების უსაფრთხოებაზე. ხსენებული მასალების დაკარგვის ან გაუმართაობის შედეგად გამოწვეული რისკი ეკისრება მიმწოდებელს;

6.4.6. მიმწოდებელმა სამუშაოების განხორციელების პროცესში უნდა მიიღოს აუცილებელი ზომები ტექნიკური უსაფრთხოების და გარემოსდაცვის უზრუნველსაყოფად;

6.4.7. ნებისმიერ დროს, წინასწარი შეტყობინების გარეშე დაუშვას შემსყიდველი და მისი წარმომადგენლები სამუშაო მოედნებზე;

6.4.8. მიმწოდებელი ვალდებულია ხელი შეუწყოს შემსყიდველს, ტექნიკურ ზედამხედველს და საავტორო ზედამხედველს შემოწმების-ზედამხედველობის ჩატარების დროს.

6.4.9. მიმწოდებელი ვალდებულია წინასწარ შეათანხმოს შემსყიდველთან სამუშაოების პროცესში გამოსაყენებელი მასალების ხარისხი.

6.4.10. მიმწოდებელმა სამუშაოთა წარმოების ნორმების მიხედვით სისტემატურად უნდა აწარმოოს მასალებისა და შესრულებული სამუშაოს ხარისხის კონტროლი.

6.4.11. შემსყიდველის საჭიროების შემთხვევაში მიმწოდებელი ვალდებულია შემსყიდველს/ტექნიკურ ზედამხედველს წარუდგინოს მშენებლობაზე გამოყენებული კონსტრუქციების, ნაკეთობებისა და მასალების ტექნიკური პასპორტები, სერტიფიკატები, ხარისხის დამადასტურებელი ლაბორატორიული შემოწმების შედეგები და სხვა დოკუმენტები. აღნიშნულთან დაკავშირებული ხარჯების გაწევა წარმოადგენს მიმწოდებლის ვალდებულებას.

6.4.12. მიმწოდებელი ვალდებულია საქართველოში მოქმედი სამშენებლო ნორმებისა და წესების სრული დაცვით შეადგინოს ყველა ის დოკუმენტაცია, რომელიც საჭირო გახდება ექსპერტიზის სრულყოფილად ჩასატარებლად. ამავდროულად ესპერტიზაზე წარდგენილი დოკუმენტაცია უნდა დასტურდებოდეს როგორც საავტორო, ასევე ტექნიკური ზედამხედველის მიერ.

6.4.13. შემსყიდველის მოთხოვნის შემთხვევაში მიმწოდებელი ვალდებულია სამუშაოთა ცალკეული ეტაპ(ებ)ის დასრულების შემდეგ განხორციელოს ტესტირება/შემოწმება და ტესტირების/შემოწმების შედეგები წერილობით აცნობოს შემსყიდველს..

7. გარანტია

7.1. მიმწოდებელი იძლევა გარანტიას, რომ სამუშაოები განხორციელდება სამშენებლო ნორმების, სტანდარტებისა და ტექნიკური დოკუმენტაციით განსაზღვრული პირობების შესაბამისად.

7.2. საგარანტიო პირობები განსაზღვრულია მიმწოდებლის სატენდერო დოკუმენტაციის დანართი №7-ის შესაბამისად.

8. ანგარიშსწორება

8.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული ყველა გადასახადის გათვალისწინებით;

8.2. შუალედური ან/და საბოლოო ანგარიშსწორება მოხდება უნაღდო ანგარიშსწორების წესით ეროვნულ ვალუტაში, ლარში მიმწოდებლის მიერ წინამდებარე ხელშეკრულების მე-4 მუხლის 4.1 პუნქტით განსაზღვრული და შესაბამისი ფინანსური დოკუმენტების წარმოდგენიდან არაუგვიანეს 20 (ოცი) სამუშაო დღისა;

8.3. ანგარიშსწორება შეიძლება განხორციელდეს წინასწარი, საავანსო ანგარიშსწორების ფორმით არაუმეტეს ხელშეკრულების ღირებულების 30%-ის ოდენობით თანხაზე, პრეტენდენტის მიერ მოთხოვნილ თანხაზე ბანკის მიერ გაცემული უპირობო საავანსო ანგარიშსწორების საბანკო გარანტიის საფუძველზე (აუცილებელი პირობა: 1. პრეტენდენტმა უნდა წარმოადგინოს ბანკის მიერ გაცემული უპირობო საავანსო ანგარიშსწორების საბანკო გარანტია მის მიერ მოთხოვნილ თანხაზე, რომლის თანახმადაც გარანტიის გამცემი ბანკი თანახმაა შემსყიდველის მოთხოვნიდან 10 (ათი) საბანკო დღის ვადაში აანაზღაუროს შემსყიდველის მიერ მოთხოვნილი თანხა; 2. საბანკო გარანტიის საფუძველზე გადარიცხული თანხის გაქვითვა მოხდება ერთიანად, სრულად და არა პროპორციული და ნაწილობრივი გამოქვითვის მეთოდით.) რომლის მოქმედების ვადაც 30 კალენდარული დღით უნდა აღემატებოდეს ხელშეკრულების მოქმედების ვადას;

8.4. შუალედური ან/და საბოლოო ანგარიშსწორება მიმწოდებელთან განხორციელდება ფაქტობრივად შესრულებულ სამუშაოებზე გაფორმებული მიღება-ჩაბარების აქტის საფუძველზე, რომლის გაფორმების საფუძველს წარმოადგენს სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან შესაბამისია აკრედიტაციის მქონე ორგანიზაციის მიერ გაცემული დასკვნა, ფორმა №2-ი, ფარული სამუშაოების ჩატარების აქტი (ასეთის არსებობის შემთხვევაში); (აუცილებელი პირობა: 1. ექსპერტიზის დასკვნის მომზადებასთან და წარმოდგენასთან დაკავშირებული ხარჯების დაფარვა წარმოადგენს მიმწოდებლის ვალდებულებას);

9. ხელშეკრულებაში ცვლილებების შეტანა

9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11. მხარეთა პასუხისმგებლობა

11.1 მიმწოდებელი კისრულობს პასუხისმგებლობას ამ ხელშეკრულებით გათვალისწინებული სამუშაოების განხორციელების ვადების დარღვევის შემთხვევაში ან/და სამუშაოების არაჯეროვნად განხორციელების შემთხვევაში ან/და ხელშეკრულების ნებისმიერი პირობების დარღვევის შემთხვევაში გადაუხადოს პირგასამტეხლოს სახით შემსყიდველს შეუსრულებელი სამუშაოების ღირებულების 0,3 (ნული მთელი სამი) პროცენტი ოდენობითი თანხა ყოველი ვადაგადაცილებული დღისათვის.

11.2 მხარეები თანხმდებიან, რომ თუ მიმწოდებლის მიერ ხელშეკრულების პირობების შეუსრულებლობისათვის დაკისრებული პირგასამტეხლოს საერთო ოდენობა გადააჭარბებს ხელშეკრულების ღირებულების 60 (სამოცი) პროცენტს, შემსყიდველი უფლებამოსილია ვადაგადაცილებული დღეებზე დაკისრებული პირგასამტეხლოსთან ერთად დააკისროს მიმწოდებელს პირგასამტეხლო ხელშეკრულების მთლიანი ღირებულების 10 (ათი) პროცენტის ოდენობით.

11.3 პირგასამტეხლოს გადახდა არ ანთავისუფლებს მიმწოდებელს ნაკისრი ვალდებულების შესრულებისაგან.

12. ხელშეკრულების შეწყვეტა მისი პირობების შეუსრულებლობის გამო

12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

12.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია განახორციელოს მთლიანი მომსახურება ან მისი ნაწილი;

12.1.2 თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

12.2 ხელშეკრულების ცალკეული პირობების მოქმედების შეწყვეტა არათავისუფლებს მიმწოდებელს დანარჩენი ვალდებულებების შესრულებისაგან.

12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

12.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზებისგან იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.3.2 მიმწოდებლის გაკოტრების შემთხვევაში;

12.3.3 საქართველოს კანონმდებლობით გათვალისწინებულ სხვა შემთხვევებში.

13. ხელშეკრულების შესრულების ინსპექტირება და სამუშაოთა ზედამხედველობა

13.1 შემსყიდველს უფლება აქვს მიმწოდებლის მიერ სამუშაოს განხორციელების ნებისმიერ ეტაპზე, განახორციელოს ინსპექტირება. ინსპექტირებას ახორციელებს შემსყიდველის უფლებამოსილი წარმომადგენლები: (შემდგომში „ინსპექტირების ჯგუფი“).

13.2 ინსპექტირების ჯგუფისა ფუნქციებია:

13.2.1 გაუწიოს კონტროლი სამუშაოს განხორციელების ვადების ხელშეკრულების მოთხოვნებთან შესაბამისობის დადგენას.

13.2.2 დაადგინოს შესაბამება, თუ არა განხორციელებული სამუშაო ხელშეკრულებით განსაზღვრულ მოთხოვნებს.

13.2.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით, რომლის აღმოფხვრის ხარჯების დაფარვა სრულად ეკისრება მიმწოდებელს.

13.2.4 შემსრულებლის მიერ ხელშეკრულების პირობების არაჯეროვანი და უხარისხო შესრულების, ხარვეზებისა და დეფექტების (ასეთის არსებობის შემთხვევაში) არ აღმოფხვრის ან ვადების დარღვევის შემთხვევაში მისი დაჯარიმების საკითხის დაყენება და შესაბამისი დოკუმენტაციის შედგენა. საჭიროების შემთხვევაში ხელშეკრულებების შეწყვეტის საკითხის დაყენება.

13.2.5 ტექნიკური ზედამხედველის მიერ ხელშეკრულების 13.3 პუნქტით ნაკისრი ვალდებულებების შესრულების სისტემატიური კონტროლი მისი ჯეროვნად შესრულების მიზნით.

13.3 ტექნიკური ზედამხედველის ფუნქციებია:

13.3.1 ტექნიკური ზედამხედველი უფლებამოსილია სამუშაოების შესრულების ნებისმიერ ეტაპზე მოახდინოს სამუშაოების შემოწმება მიმწოდებლის მიერ წარმოდგენილი ხარჯთაღრიცხვის შესაბამისად, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან.

13.3.2 გაუწიოს სისტემატიური კონტროლი საპროექტო გადაწყვეტილებების დაცვაზე, ნორმატიული დოკუმენტების

მოთხოვნებზე.

13.3.3 შესრულებული სამშენებლო სამუშაოების, გამოყენებული კონსტრუქციების, ნაკეთობებისა და მასალების საპროექტო გადაწყვეტასთან, სამშენებლო ნორმებისა და წესების მოთხოვნებთან, სტანდარტებთან, ტექნიკურ პირობებსა და სხვა ნორმატიულ დოკუმენტაციასთან შესაბამისობის კონტროლი.

13.3.4 საპროექტო დოკუმენტაციაში გამოვლენილი დეფექტების აღმოფრისათვის საკითხის დროულად დაყენება და შესრულებაზე კონტროლი. მშენებლობის ორგანიზაციის პროექტის საფუძველზე მომზადებული მშენებლობის წარმოების პროექტის გადამოწმება, შეთანხმება და კონტროლი მის შესრულებაზე.

13.3.5 მშენებლობაზე გამოყენებული კონსტრუქციების, ნაკეთობებისა და მასალების ტექნიკური პასპორტების, სერტიფიკატების, ლაბორატორიული შემოწმების შედეგებისა და ხარისხის დამადასტურებელი სხვა დოკუმენტების არსებობის შემოწმება.

13.3.6 სამუშაოთა აღრიცხვის ჟურნალის წარმოების შემოწმება და მასში შესაბამისი ჩანაწერებისა და შენიშვნების განხორციელების უფლებამოსილება და წარმოება.

13.3.7 მონაწილეობა სამშენებლო კონტროლისა და მშენებლობის ცალკეული ეტაპის სამშენებლო სამუშაოთა ხარისხის შემოწმება-შეფასებაში და პროექტთან შესაბამისობის დადგენაში.

13.3.8 პირველადი სამშენებლო ტექნიკური დოკუმენტაციის წარმოებაზე კონტროლი და სამშენებლო სამუშაოების წარმოებისას ნაკლოვანებებისა და დეფექტების გამოვლენის შემთხვევაში, ამ უკანასკნელის ოპერატიულად აღმოფხვრისათვის ღონისძიებების გატარება და საჭიროების შემთხვევაში მასში ცვლილებების შეტანაზე საკითხის დაყენება/შეტყობინება შემსყიდველს.

13.3.9. მონაწილეობა მუშა კომისიების მიერ ცალკეული სამშენებლო სამუშაოების ხარისხზე და საპროექტო მონაცემთა შესაბამისობაზე ჩატარებულ შემოწმებებში.

13.3.10 სამუშაოთა ცალკეული ეტაპის დასრულების შემდეგ ტესტირების ჩატარების მოთხოვნა.

13.3.11 კონტროლი შემსრულებლის მიერ გამოყენებული მასალების და კონსტრუქციების შენახვის ნორმებთან შესაბამისობაზე.

13.3.12 საჭიროების შემთხვევაში პროექტსა და ხელშეკრულებაში ცვლილებების შეტანის მიზანშეწონილობისა და აუცილებლობის შესახებ შემსყიდველ მხარეზე არგუმენტირებული წინადადებების/განმარტების წარდგენა.

13.3.13 მშენებლობის პროცესში მშენებლობის მიმდინარეობის შესახებ შემსყიდველისათვის სისტემატიური ინფორმაციის მიწოდება (შემსყიდველის მიერ მოთხოვნილი პერიოდულობით) წერილობითი ან ზეპირსიტყვიერი ფორმით (მუშა თათბირის ოქმები, აქტები, და სხვა), სამუშაოთა შეჩერების ან შეფერხების წარმოქმნისთანავე გადაუდებელი აუცილებლობის შემთხვევაში შემსყიდველზე ზეპირი ან/და წერილობითი ინფორმაციის მიწოდება დაუყოვნებლივ.

13.3.14 სამუშაოების დასრულებამდე, დასრულების შემდგომ ხელშეკრულებით გათვალისწინებულ საგარანტიო ვადაში წარმოქმნილი ხარვეზების აღმოჩენა.

13.3.15 სამშენებლო, არქიტექტორული და სხვა გადაწყვეტების შესაბამისობის ანალიზი პროექტის მიზნებსა და ამოცანებთან, რისკების გამოვლენის მიზნით.

13.3.16 მშენებლობის ხარისხის შესაბამისობის დოკუმენტური ანალიზი. პროექტის მიმდინარეობის საერთო ანგარიში.

14. ფორს-მაჟორი

14.1 ამ მუხლის მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არარაიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

14.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის დამიხედვით მიმართოს სასამართლოს.

15.3 პირობები რომლებიც არ რეგულირდება ამ ხელშეკრულებით მიიღება საქართველოს მოქმედი კანონმდებლობის შესაბამისად.

16. სხვა პირობები

16.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას ამ ხელშეკრულებისა და მოქმედი კანონმდებლობის შესაბამისად.

16.2 შემსყიდველი უფლებამოსილია შეწყვიტოს ეს ხელშეკრულება ცალმხრივად და მოსთხოვოს მიმწოდებელს ზიანის ანაზღაურება თუ მიმწოდებელი ვერ უზრუნველყოფს თავის ვალდებულებების ჯეროვან შესრულებას. ასეთი ფაქტის დადგომის შემთხვევაში შემსყიდველმა წინასწარ 10 (ათი) კალენდარული დღით ადრე მაინც წერილობით უნდა აცნობოს მიმწოდებელს.

17. ხელშეკრულების მოქმედების ვადა

17.1 წინამდებარე ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2017 წლის 03 აგვისტოს ჩათვლით გარდა ამ ხელშეკრულების მე-7 მუხლით განსაზღვრული პირობებისა.

17.2 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება ქართულ ენაზე, სამი თანაბარი იურიდიული ძალის მქონე ეგზემპლარად, რომლებიც ინახება ხელშეკრულების მონაწილე მხარეებთან.

18. ხელშეკრულების შესრულების გარანტია

18.1 იმისთვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვების შესახებ ხელშეკრულების შეუსრულებლობის გამო, გამოიყენება ხელშეკრულების შესრულების უზრუნველყოფის საბანკო გარანტია, ხელშეკრულების მთლიანი ღირებულების 4 (ოთხი) პროცენტის ოდენობით, რომელიც ძალაშია 2017 წლის 05 სექტემბრამდე.

18.2 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ, მიმწოდებლის წერილობითი მოთხოვნიდან 10 (ათი) სამუშაო დღის ვადაში შემსყიდველი დაუბრუნებს მიმწოდებელს ხელშეკრულების შესრულების უზრუნველყოფის საბანკო გარანტიას.

18.3 ხელშეკრულებით ნაკისრი ვალდებულებების არასრულად ან არაჯეროვნად შესრულების შემთხვევაში, შემსყიდველი არ დაუბრუნებს მიმწოდებელს ხელშეკრულების შესრულების უზრუნველყოფის საბანკო გარანტიას და იმოქმედებს საქართველოს კანონმდებლობის ფარგლებში.

„შემსყიდველი“

„მიმწოდებელი“

4. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/დაფაქტიური მისამართი: საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება და ბანკის კოდი:

ანგარიშსწორების ანგარიში:

პრეტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----

5. ხელშეკრულების შესრულების საგარანტიო უზრუნველყოფის ფორმა

ხელშეკრულების შესრულების საგარანტიო უზრუნველყოფა (საბანკო გარანტია)

ვის: _____

(შემსყიდველის დასახელება)

მხედველობაში ვიღებთ, რომ

(მიმწოდებლის დასახელება)

შემდგომში „მიმწოდებელმა“ ტენდერში წარდგენილი თავისი (ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთაღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე: _____

(თანხა ციფრობრივად, სიტყვიერად, ვალუტის მითითებით)

და ვკისრულობთ ზემოაღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია _____

გარანტების ხელმოწერა და ბეჭედი _____

(თარიღი) _____

(მისამართი) _____

6. ტექნიკური დავალება

№	შესყიდვის ობიექტი	სამუშაოების შესრულების ვადა	სამუშაოების შესრულების ადგილი
1	სახელმწიფო საქვეუწყებო დაწესებულება გარემოსდაცვითი ზედამხედველობის დეპარტამენტის ბალანსზე რიცხული ქ. ბათუმში პუშკინის ქუჩა №45-ში მდებარე მიწის ნაკვეთზე (საკადასტრო კოდი 05.27.16.028) გარემოსდაცვითი ზედამხედველობის დეპარტამენტის ახალი ადმინისტრაციული შენობის მშენებლობის და მასზე დამაგრებული მიწის ნაკვეთის კეთილმოწყობის სამუშაოები	ხელშეკრულების გაფორმებიდან არაუგვიანეს 275 (ორასამოცდათხუთმეტი) კალენდარული დღის ვადაში.	ქ. ბათუმში, პუშკინის ქუჩა №45-ში მდებარე მიწის ნაკვეთი (საკადასტრო კოდი 05.27.16.028)

მიმწოდებელი ვალდებულია ხელშეკრულებით გათვალისწინებული სამუშაოების შესრულებისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ;

მიმწოდებელმა თვალსაჩინო ადგილას უნდა განათავსოს მინიმუმ 1 ცალი საინფორმაციო დაფა (150 სმ/100 სმ)

შემსყიდველის მიერ გადაცემული ესკიზის შესაბამისად.

სამუშაოების დაწყებამდე საჭიროა მიმწოდებელმა მოახდინოს ტერიტორიის დაკვალვა (საკადასტრო წითელი ხაზის მიხედვით) მაღალი სიზუსტის გეოდეზიური ხელსაწყოების (GPS, Total Station) მეშვეობით, რის დამადასტურებლადაც საჭიროა წარმოადგინოს დაკვალვის დამადასტურებელი შესაბამისი აქტი (დედანი) ხელმოწერილი შესაბამისი სპეციალისტის/ორგანიზაციის მიერ.

აღნიშნულ ობიექტზე სამუშაოების პროცესში პრეტენდენტის (შემდგომში მიმწოდებლის) მიერ გამოყენებული ყველა მასალა-მოწყობილობა უნდა იყოს ახალი, ქარხნული წარმოების და მაღალის ხარისხის, რაზეც შემსყიდველს უფლება აქვს, სურვილისამებრ მოითხოვოს საერ თაშორისო სტანდარტის დამადასტურებელი სერთიფიკატ(ებ)ი, ასევე სამუშაოების ნებისმიერ ეტაპზე შემსყიდველის მოთხოვნის შემთხვევაში სავალდებულოა წარმოდგენილ იქნას აღნიშნული სამუშაოებისთვის განკუთვნილი გამოსაყენებელი მასალებისა და მოწყობილობების ნიმუშები მოთხოვნიდან 2 სამუშაო დღის ვადაში (მოთხოვნა შესაძლოა განხორციელდეს როგორც წერილობით ასევე სიტყვიერად), აღნიშნული ნიმუშები, როგორც ხარისხის, ასევე ვიზუალური თვალსაზრისით შეიძლება დაწუნებულ იქნას შემსყიდველის მიერ. იმ შემთხვევაში, თუ მიმწოდებლის მიერ წარმოდგენილი ნიმუშები არ იქნება მოწონებული შემსყიდველის მიერ, მიმწოდებელი ვალდებულია წარმოადგინოს შემსყიდველის მიერ მითითებულ ვადაში შემსყიდველისათვის მისაღები სხვა ნიმუში, მასალა და მოწყობილობა.

მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები ობიექტის ზონაში ხანძრის გაჩენის და აფეთქების თავიდან ასაცილებლად.

სამუშაო ობიექტის, ადგილის გამოყოფა წარმოადგენს შემსყიდველის მოვალეობას; შემსრულებელი პასუხისმგებელია სამუშაოსათვის გამოყოფილი ადგილის გამოყენებაზე და სამუშაოს დასრულების შემდეგ გარემოს საჭირო და სათანადო აღდგენაზე; შემსრულებელი პასუხისმგებელია შეასრულოს სამუშაო უსაფრთხო და ეკოლოგიურად მისაღები გზით და ვალდებულია დაიცვას შემდეგი პირობები:

- უზრუნველყოს სამუშაო ადგილის ფარგლებში მდებარე ხეების და მცენარეები სიცოცხლის უნარიანობა;
- მინიმუმამდე დაიყვანოს მუშაობით გამოწვეული ხმაურის, ვიბრაციის და მტკერის გავლენა;
- სამუშაოების დასრულების შემდეგ შემსრულებელი თავისი ძალებით და სახსრებით 5 დღის განმავლობაში ვალდებულია გაათავისუფლოს სამუშაო ადგილი სამშენებლო მოწყობილობა-დანადგარებისაგან, მასალებისაგან, დროებითი ნაგებობებისაგან, სამშენებლო ნარჩენებისაგან და ა.შ;
- სამუშაოებისათვის გამოსაყენებელი მასალები უნდა ინახებოდეს დახურული წესით, გარდა იმ მასალებისა, რომელიც ნორმების მიხედვით ინახება ღია ცის ქვეშ და მათი ხარისხი უნდა შეესაბამებოდეს აღნიშნულ სფეროში არსებულ სტანდარტებს.

- სამუშაოებისათვის საჭირო მასალები უნდა იყოს უმაღლესი ხარისხის და შეესაბამებოდეს სტანდარტებსა და ნორმებს.
- მიმწოდებელი ვალდებულია უზრუნველყოს სამუშაო პროცესში მისთვის საჭირო კომუნიკაციის მიყვანა და ასევე ამ პროცესში მოხმარებული კომუნალური მომსახურების გადახდა (ელექტროენერგია, წყალი, გაზი);

4. ნორმატიული დოკუმენტები:

მუშაობის პროცესში შემსრულებელი ვალდებულია სამუშაოები შეასრულოს საქართველოში მოქმედი სამშენებლო ნორმებისა და წესების სრული დაცვით .

აუცილებელი პირობა:

1. სამუშაოების შესრულების ვადა: სამშენებლო სამუშაოების ჩამონათვალში მოცემული ყველა სამუშაოს დასრულების ვადაა ხელშეკრულების გაფორმებიდან არაუგვიანეს 275 (ორასსამოცდათხუთმეტი) კალენდარული დღის ვადაში.
2. ვინაიდან ტენდერში გამარჯვებული პრეტენდენტის (მიმწოდებლის) სატენდერო წინადადება სახელმწიფო შესყიდვის შესახებ ხელშეკრულების განუყოფელი ნაწილია, სამუშაოების შესრულების პროცესში მიმწოდებელი ხელმძღვანელობს მისივე სატენდერო წინადადებაში მოცემული გრაფიკით განსაზღვრული ვადებითა და სამუშაოების ეტაპების განხორციელების თანმიმდევრობით სამუშაოების შესრულების კონკრეტულ გრაფიკს ადგენს თვით პრეტენდენტი თავის სატენდერო წინადადებაში.
3. სატენდერო დოკუმენტაციაში (ხარჯთაღრიცხვაში) ჩამოთვლილ საქონელზე, სადაც მითითებული იქნება კონკრეტული საქონლის ნიშანი, მოდელი, წარმოშობის წყარი ან მწარმოებელი იგულისხმება მსგავსი, უკეთესი ან ექვივალენტური.

პრეტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----

7. ინფორმაცია პრეტენდენტის მიერ ანალოგიური მომსახურების გაწევის გამოცდილების შესახებ

№	სამუშაოს დასახელება	შემსყიდველის დასახელება	CMR-ის ნომერი SPA- ნომერი	ხელშეკრულების ღირებულება	ფაქტიურად შესრულებული სამუშაოს ღირებულება	ხელშეკრულების გაფორმების თარიღი
1	2	3	4	5	6	7

შენიშვნა:

- ა) ცხრილის მე-4 სვეტი ივსება მხოლოდ იმ შემთხვევაში თუკი მომსახურება გაწეულია სახელმწიფო შესყიდვების ერთიან ელექტრონულ სისტემაში რეგისტრირებული შემსყიდველი ორგანიზაციის დაკვეთით და ხელშეკრულება ატვირთულია შესყიდვების ერთიან ელექტრონულ სისტემაში;
- ბ) შემსყიდველი უფლებამოსილია ტექნიკური დოკუმენტაციის დაზუსტების სახით პრეტენდენტისაგან მოითხოვოს შესრულებული სამუშაოების დამადასტურებელი ხელშეკრულებებისა და მიღება-ჩაბარებების აქტების/ან სახვა სახის რაიმე დოკუმენტის წარმოდგენა მოქმედი კანონმდებლობის შესაბამისად;

პრეტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----

8. მთლიანად შესრულებული სამუშაოს საგარანტიო ვადა და პირობები

შესრულებული სამუშაოს დასახელება	საგარანტიო პერიოდი (ვადა)	გარანტიის პირობები	გარანტიის პერიოდში აღმოჩენილი დეფექტების აღმოფხვრის ოპერატიულობა (ვადა)
სამშენებლო სამუშაოები სატენდერო დოკუმენტაციის დამატებებში მოცემული სამუშაოების შესაბამისად	საბოლოო მიღება-ჩაბარების აქტის გაფორმებიდან: კონსტრუქციულ სამუშაოებზე - არანაკლებ 5 (ხუთი) კალენდარული წელი; საინჟინრო სამუშაოებზე - არანაკლებ 3 (სამი) კალენდარული წელი; შიდა სარემონტო სამუშაოებზე - არანაკლებ 1 (ერთი) კალენდარული წელი.	საგარანტიო პერიოდში აღმოჩენილი ნებისმიერი ხარვეზის აღმოფხვრა (შეკეთება და/ან შეცვლა ახლით), ასევე აღნიშნული სამუშაოების შესრულების პროცესში და საგარანტიო პერიოდში არახარისხოვნად შესრულებული სამუშაოს შედეგად გამოვლენილი ნებისმიერი სხვა ზიანის აღმოფხვრა	შეტყობინების მიღებიდან აღნიშნულ ფაქტთან დაკავშირებით შედგენილ დეფექტურ აქტში მითითებული გონივრული ვადების შესაბამისად

აუცილებელი პირობა:

საგარანტიო პერიოდში ხარვეზების გამოვლენის შემთხვევაში, ყოველ კონკრეტულ ფაქტზე მხარეები ადგენენ დეფექტურ აქტს. აღნიშნულ აქტში გამოვლენილ ხარვეზებთან (დაზიანებებთან) ერთად მითითებულ უნდა იქნას შემსყიდველსა და მიმწოდებელს შორის ურთიერთმოლაპარაკების საფუძველზე დადგენილი ზიანის აღმოფხვრისთვის საჭირო გონივრული ვადები.

შენიშვნა:

პრეტენდენტის მიერ მოცემული საგარანტიო პერიოდების გაზრდის შემთხვევაში შესაძლებელია მისი შეცვლა. აღნიშნული საგარანტიო პირობები მოწოდებულ სამუშაოზე ვრცელდება სწორი ექსპლუატაციის პირობებში და იგი მოქმედებას იწყებს მიმწოდებელსა და შემსყიდველს შორის მიღება-ჩაბარების გაფორმების დღიდან.

პრეტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----